

# UNITAT D'ARAN

---

BOLETIN INTERN DETH PARTIT NACIONALISTE ARANES

TA US EXCLOSIU DES MILITANTS No.1 Març 1990

---

## UNITAT D'ARAN

UNITAT D'ARAN ei eth partit des nacionalistes aranesi imprescindible ena societat aranesa entà preservar es signes de identidat nacionau ath temps que s'ocupe dera milhora deth benestar de toti es aranesi, considerant coma tals a toti es òmes e hemnes que viuen e trebalhen en Aran. Entenen açò un centenar de persones de Aran mos an dat eth sòn amparament e an declarat pòblicament que participen de nòsta ideologia en tot afilià-se ath partit. Aguest centenar de persones represente lèu lèu eth dus per cent dera societat aranesa, çò qu'ei un percentatge alentador. E es afiliacions seguissen pujant en tot convertir a Unitat d'Aran ena prumèra fòrça politica aranesa. Era junta rectora de U.A. ei composada per quinze persones que representen es diuersi sectors territoriaus e productius d'ARAN, e que entre d'autes causes s'ocupe en aguesti moments ena preparacion dera "amassada nacionau" o "congrès".

=====

## UN COP MES CIU TRACIONE ES INTERESI ARANESI.

Dempús d'auer firmat en Arties damb totes es fòrces politiquas araneses eth tèxt consensuat per toti, CiU ei er únic partit deth Parlament que non dà supòrt ad aguest tèxt consensuat qu'aurie de tornar reaments a Aran era sua istòrica autonomia. Ei mès, era diputada aranesa de CiU Sra. Pilar Busquets presentèc esmenes ath tèxt que proposaue eth Govern Catalan en sentit contrari de çò que firmèc deuant des representants aranesi en Arties. Ei ja escandalós eth doble lenguatge que aguesti politics, interessats unicament en defensar es sòns interèsi personaus, practiquen. Son disposats a véner era nòsta tèrra sense bric de dòl, e çò que encara ei pitjor ac vòlen hèr dident as Aranesi de bona voluntat, que era sua actuacion va en sentit contrari. Quin topet!.

Entà acaba'c d'apariar, se dediquen a retrassar tot çò possible er estudi dera LEI D'ARAN en Parlament. Mos asegurèren que s'auie de començar definitiuaments eth mès de hereuèr. Encara demoram. Cau pensar qu'an pòur de quedar en evidéncia en auer aconseguit des d'Unitat d'Aran que toti es auti partits politics deth Parlament dèssen supòrt ath tèxt consensuat pes aranesi en contra deth qu'auie presentat eth Govern de CiU. E dempús vòlen parlar deth dret d'autodeterminacion! Non an vergonha!.

=====

## ER ENSENHAMENT ENA VAL D'ARAN

UNITAT D'ARAN se trape ena disjuntiuva imperiosa d'auer de recapacitar e revisar en quin parçan dera sua normalisacion ei plaçada era lengua aranesa ena nòsta societat e, sustot, eth sòn ensenhament enes nòstes escòles.

A còp de uelh vedem que actuauments s'impartís enes madeishes condicions que en sòn començament. Ei a dider, dues ores ara setmana coma se d'ua "Maria" se tractèsse. Açò vò dider, que arren a hèt er esfòrç entà soperar aguest límit imposat pera Generalitat. Clame ath cèu cu'es aranesi mos conformegam en beneplàcit des autoritats e non sigam capaci de lutar entà qu'era nòsta lengua ocupe eth lòc e era dignitat que li correspon. A Unitat d'Aran li corresponera, un còp mès radicalisar eth sòn nacionalisme per çò qu'ei era nòsta principau senhal d'identificacion nacionau, Era nòsta lengua!.

Ath long des passats dies fôrça an estat es declaracions hêtes enes diferents mieis de comunicacion social per part der Alcalde de Vielha e der Arquitecte Municipau que pretenien confoner as ciudadás e justificar ua actuacion injustificable que acabèc dant ua licéncia d'òbres entath bastiment d'un blòc en parçan "ES CLOSES" en Vielha.

En resum e ath nòste entener, per part der equip de Govern der Ajuntament, s'an seguit diuèrses irregularitats, quan non illegalitats ena tramitacion der expedient, que passam a detalhar breuments.

- Non se comunicèc per escrit, coma mane era Lei, as diferents propietats afectades, era modificacion e subdivision dera Unitat d'Actuacion prevista enes Normes Subsidiaries.

- Era Lei exigís (Article 77-1 deth Reglament de Gestion Urbanística) qu'es terrenhs afectats per ua Unitat d'Actuacion an de èster objècte de Reparcelacion, tramit que sonque se pòt obviar se es afectats arriben a un acòrd sus es seccions, evidentment açò non a estat atau já qu'es vesins des dus edificis existents en àmbit dera U.A. an metut ua querelha ar Alcalde de Vielha. Eth projècte de reparcelacion non s'a portat a tèrme.

- Er edifici en question incumplís eth nùmero de plantes qu'era norma determine entath parçan, calificada de Ampliacion de casc e que auen en compde eth desnivèu deth terrenh permetís un màxim de tres plantes: Planta baixa mès dues Plantes pís. Eth nomentat edifici suberpasse aquest màxim en dues plantes, açò evidentment compòrte qu'es auti paràmetres bàsics edificatòris (edificabilitat, nero. de viendes, volum, eca.) tanben s'an incumplit.

Independenment deth deseniag dera querelha metuda pes vesins de "ES CLOSES" eth grop Unitat d'Aran en Ajuntament de Vielha a demanat era convocatòria d'un plen Extraordinari entà esclarir es hêtes e exigir es responsabilitats politiques e de quansevol auta natura que poguessen deriuase.

=====

#### ERA LEÇON APRENUDA EN NAUT ARAN

M'an demanat ua valorisacion o explicacion sus eth problèma deth NAUT ARAN, ei difícil dà-la en pòques linhas, mès lèu auria de besonh quauqui capítols entà que podessetz digeri'c sense problèmes. Creigui que mès qu'explicar era istòria, de moment considèri mès important dar a coneisher es conclusions as que se arribe dempús d'ua fatigosa luta contra eth SISTEMA.

Ei segur que toti auem clar qui mane, e aquest non ei un aute qu'er enemic nero 1 d'Aran, parli de CiU, éri an estat es qu'an aconseguít separar eth nòste pais, en votjar gent aranesa tà ues idees que afavorisen en Aran, era entrada d'un capital que artenh un desajust tant gran, que se non i auesse ua iniciatiua clara per part dera gent d'Aran (Unitat d'Aran), acabariem per desapareisher, pera impossibilitat qu'auriem d'auer un èquilibri just. Profondisant un shinhau entà que pogatz entener, diria que degut ara totau depenencia dera Generalitat (CiU), supòse réber tot eth pes polític, econòmic e social pera sua part, sense cap dubte lutes contra un gigant que establís eth SISTEMA.

Entà acabar dider que tamb açò non voi amaga-me d'arren, senon avisar a aqueri que coma nosati se pòden trapar tamb un muro semblant, suportatz, es causes nobles acaben vencent s'èm constants.